



Broj: 07-2782/23

Datum: 19.09.2023.godine

Na osnovu člana 69. stav (3) Zakona o javnim nabavkama ("Službeni glasnik BiH", br. 39/14 i 59/22), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) i člana 11. Privremene Statutarne odluke grada Srebrenik („Službeni glasnik grada Srebrenik“ broj:1/19), a na preporuku Komisije za javnu nabavku po Zapisniku o pregledu i ocjeni ponuda broj: 07-2782/23 od 08.09.2023. godine, Gradonačelnik donosi:

ODLUKU **o otkazivanju postupka javne nabavke**

Član 1.

Otkazuje se postupak javne nabavke **izrade projektno tehničke dokumentacije za izgradnju pasarele preko željezničke pruge do zone sporta i rekreacije u Gradu Srebrenik**, objavljen na portalu javnih nabavki, Obavještenje o nabavci broj: 761-1-2-37-3-46/23 od 18.08.2023 godine i sažetak obavještenja o nabavci, objavljen u „Službenom glasniku BiH“ broj: 59/23 od 25.08.2023 godine. Postupak se otkazuje zbog dokazivih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Član 2.

Ova Odluka će se objaviti na web stranici ugovornog organa (www.srebrenik.ba), u skladu sa članom 70. stav (6) Zakona o javnim nabavkama.

Član 3.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Odlukom o pokretanju postupka javne nabavke **izrade projektno tehničke dokumentacije za izgradnju pasarele preko željezničke pruge do zone sporta i rekreacije u Gradu Srebrenik** broj: 07-2782/23 od 18.08.2023. godine, pokrenut je postupak nabavke predmetnih usluga.

Javna nabavka je provedena putem otvorenog postupka javne nabavke, a kriterij za dodjelu ugovora je najniža cijena.

Procijenjena vrijednost nabavke iznosi 13.329,91 KM bez PDV-a.

Obavještenje o nabavci predmetnih usluga objavljeno je na Portalu javnih nabavki dana 18.08.2023.godine pod brojem 761-1-2-37-3-46/23 i sažetak obavještenja o nabavci, objavljen u „Službenom glasniku BiH“ broj: 59/23 od 25.08.2023 godine. Tenderska dokumentacija objavljena je zajedno sa navedenim obavještenjem.



Odlukom Ugovornog broj: 07-2782/23 od 18.08.2023. godine imenovana je Komisija za javnu nabavku **izrade projektno tehničke dokumentacije za izgradnju pasarele preko željezničke pruge do zone sporta i rekreacije u Gradu Srebrenik**, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija je u okviru svojih nadležnosti i ovlaštenja provela postupak i sačinila Zapisnik o pregledu i ocjeni ponuda, te konstatovala da je postupak javne nabavke izrade projektno tehničke dokumentacije za izgradnju pasarele preko željezničke pruge do zone sporta i rekreacije u Gradu Srebrenik potrebno otkazati zbog dokazivih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke. Naime, Komisija je dana 01.09.2023. godine donijela Odluku o izmjeni tenderske dokumentacije, broj: 07-2782/23 od 01.09.2023. godine kojom se mijenja tačka 4.6. Tenderske dokumentacije na način da se u provođenju postupka javne nabavke izrade projektno tehničke dokumentacije za izgradnju pasarele preko željezničke pruge do zone sporta i rekreacije u Gradu Srebrenik *neće primjeniti e-aukcija*, iz razloga naknadnog saznanja da e-aukcija nije moguća ukoliko su predmet nabavke ugovori o uslugama čiji je predmet intelektualni rad, kao što je projektovanje radova, jer se takve ponude ne mogu rangirati primjenom metode automatskog elektronskog ocjenjivanja. Međutim, zbog tehničkih razloga, nije se mogla kreirati Ispravka obavještenja o nabavci, jer kada ugovorni organ u obavještenju o nabavci predvidi provođenje e-aukcije (a nije trebao), tada više ne postoji mogućnost ispravke obavještenja o nabavci u smislu „brisanja“ e-aukcije. Zbog svega navedenog ugovorni organ ne može nastaviti sa daljim provođenjem postupka javne nabavke izrade projektno tehničke dokumentacije za izgradnju pasarele preko željezničke pruge do zone sporta i rekreacije u Gradu Srebrenik. Stoga, Komisija je predložila Gradonačelniku donošenje Odluke o otkazivanju postupka javne nabavke u skladu sa članom 69. stav (3) Zakona o javnim nabavkama, s obzirom na to da se ne radi o poništenju postupka iz razloga navedenih u članu 69. stav (1) i (2) te da ne postoji druga mogućnost za okončanje postupka.

Imajući u vidu sve prethodno navedeno, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članovima 97., 99. i 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Dostavljeno:

1. Ponuđaču 6x,
2. Evidenciji,
3. Arhivi



GRADONAČELNIK

Adnan Bjelić